



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Unio Divinæ Et Hvmænæ Domvs, id est, De Commodis Et Incommodis Matrimoniorum Inter Reges Et Principes Tractatus Historico-Politicus**

**Del Bruggen, Walther**

**Antverpiæ, 1688**

Serenissimo Potentissimoque Principi Ac Domino, Maximiliano Emmanueli,  
Utriusque Bavarix Et Superioris Palatinatus Duci, Comiti Palatino Rheni, S.  
R. I. Archidapifero Electori, Nec Non In Partibus ...

**urn:nbn:de:hbz:466:1-38241**

SERENISSIMO POTENTISSIMOQUE  
PRINCIPI AC DOMINO,  
**MAXIMILIANO**  
**EMMANUELI,**  
UTRIUSQUE BAVARIÆ  
ET SUPERIORIS PALATINATUS  
**D U C I,**  
COMITI PALATINO RHENI,  
S. R. I. ARCHIDAPIFERO  
**ELECTORI,**  
NEC NON IN PARTIBUS RHENI AC SUEVIÆ  
ET IN IURE FRANCONICO PROVISORI,  
LANTGRAVIO IN LEICHTENBERG &c.  
CÆSAREI EXERCITUS CONTRA TURCAS  
**ARCHISTRATEGO,**  
**FELICI, VICTORI:**

SERENISSIME PRINCEPS.



Æculum nostrum tam fuit ingeniiis fœcundum, ut vix quidquam in materiis politicis intactum reliquerint, plurimâque opera verè insignia communi bono elaborarint. Curiosius tamen mihi perquirenti hæctenus Auctor non visus, qui de Principalium matrimoniorum commodis & incommodis speciatim egerit. Quare existimavi, non ingratum fore, si hæc excolerem materiam. Arduum, fateor, argumentum, & humeris meis penè impar: haud tamen despondi animum, fretus Lectorum benignitate, qui conatum boni consulent. Succisivis itaq; horis nonnulla sum elucubratus, duce Historiâ, vero prudentiæ fonte, eâque in Tractatum redegei; quem, occasione matrimonii, ab Augustissimo Imperatore LEOPOLDO cum Serenissima Infante MARGARITA Hispana gloriosæ memoriæ initi, prælo dedi annis superioribus, atque Cæsareæ suæ Majestati dedicavi, sub titulo Unionis Divinæ & Humanæ Domus. Hunc cum, Typographo meo Antverpiensi mortuo, alius item Antverpiensis Typographus, secundâ editione vulgandum sibi permitti deposceret; visum fuit eundem inscribere Celsitudini Tuæ Electorali,

lectorali, ipsius Cæsaris jam Genero, per auspica-  
tissimas cum Serenissima MARIA-ANTONIA,  
ejus & prælaudatæ Augustissimæ MARGARITÆ  
filia, nuptias; occasione rursus nova, pactæ latè que  
celebratæ cum Serenissima Medicæa Domo affini-  
tatis, per quam huic inuupturam Serenissimam So-  
rorem, Magni Ducis COSMI filio FERDI-  
NANDO ipse jam sponsam tradidisses; nisi Te,  
totius Cæsareæ contra Turcas Militiæ electum  
Archistrategum, tantisper remorarentur colli-  
gendæ trans Savum Laureæ; ubi auspiciatissimis ex-  
peditionis novæ progressibus præludit Turcici  
Imperii clavis Belgradum, ad solum adventus  
Tui terrorem derelictum à Barbaris, viam Con-  
stantinopolim fugiendo monstrantibus: adeo ut  
quæ ad Budam & Dravum à Tuâ Excellentîâ ge-  
sta sunt præcedentibus annis (quamvis omni laude,  
imo fide majora) collata ad recentes victorias, dan-  
te Deo relatas & referendas, quasi modica censenda  
sint. Unum interim hic præfabor veneratione  
submissa, quod quæ de dotibus inclytisque virtuti-  
bus defunctæ Socrus Tuæ olim disserui, eadem de  
Serenissimis Principibus, Conjuge atque Sorore  
Tuis, nunc dicta velim. Ut enim in istâ cernun-  
tur, tamquam in optimâ Filiâ, sæcunde renata  
quæ desierunt in Augusta Matre; sic in alterâ  
luculenter agnoscimus Bavarici Sanguinis emi-  
cantia

cantia decora, quibus in Hetruscam Aulam  
translatis nihilo minus illa effulgebit stabilieturque.  
Supereft ut Celſitudo veſtra hoc quale quale opu-  
culum, obſequentiſſimæ devotionis meæ pignus,  
ſerena fronte intueatur; & innatæ benignitatis at-  
que clementiæ radiis malevolorum ab eo umbræ  
arceat; quod ipſum debita reverentia enixe obte-  
ſtans, Sereniſſimum Caput Tuum, inter mille  
pericula toties jam deſenſum, Divinæ porro pro-  
tectioni commendo, cum tota Bavarica Domus  
Matriti, vi Idus Septembris, MDCLXXXVIII.

ELECTORALIS CELSIT. TVÆ

*Devotiſſimus & obſequentiſſimus*  
JOANNES GUALTHERUS  
DEL-BRUGGEN.